

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“ broj: 7/10), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 81. sjednici, održanoj dana 09.12.2016. godine, d o n o s i

ZAKLJUČAK

I.

Prihvata se mišljenje Ministarstva za rad, socijalnu politiku i izbjeglice o podnesenoj Inicijativi poslanica u Skupštini Zeničko-dobojskog kantona Selvedine Sarajlić Spahić i Emire Drnda Čičeklić, o pokretanju procedure pred Parlamentom Federacije Bosne i Hercegovine za donošenje Zakona o izmjenama Zakona o osnovama socijalne zaštite, zaštite civilnih žrtava rata i zaštite porodice sa djecom („Službene novine FBiH“, broj: 36/99, 57/04, 39/06 i 14/09), koje je sastavni dio ovog Zaključka.

II.

Zaključak sa Mišljenjem iz tačke I. upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____ /16.

Datum, 09.12.2016. godine

Zenica

PREMIJER

Miralem Galijašević

DOSTAVLJENO:

1x Ministarstvo za rad, socijalnu politiku i izbjeglice,

1x Stručna služba Skupštine,

1x a/a.



ZENIČKO-DOBOJSKI KANTON

VLADA
n/r Premijer
n/r Sekretara

Broj: 09-02-11865-1/15

Zenica, 28.11.2016. godine

PREDMET: Odgovor na poslaničku inicijativu poslanica u Skupštini Zeničko-dobojskog kantona Selvedine Sarajlić Spahić i Emire Drnda Čičeklić, dostavlja se

Na 10. sjednici Skupštine Zeničko-dobojskog kantona održanoj 27.05.2015. godine, poslanice Selvedina Sarajlić Spahić i Emira Drnda Čičeklić, pokrenule su inicijativu za pokretanje procedure pred Parlamentom Federacije Bosne i Hercegovine za donošenje Zakona o izmjenama Zakona o zdravstvenom osiguranju („Službene novine FBiH“, broj: 30/97, 7/02, 7/08 i 48/11) i Zakona o izmjenama Zakona o osnovama socijalne zaštite, zaštite civilnih žrtava rata i zaštite porodice sa djecom („Službene novine FBiH“, broj: 36/99, 57/04, 39/06 i 14/09).

Nakon razmatranja dostavljene inicijative Ministarstvo za rad, socijalnu politiku i izbjeglice u okviru nadležnog postupanja tj. konkretno u dijelu inicijative koja se odnosi na Zakon o izmjenama Zakona o osnovama socijalne zaštite, zaštite civilnih žrtava rata i zaštite porodice sa djecom daje sljedeće:

M i š l j e n j e

Predmetom inicijativom predlaže se izmjena Zakona o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodice sa djecom („Službene novine FBiH“, broj: 36/99, 57/04, 39/06 i 14/09), tako da se brišu zakonske odredbe koje regulišu plaćanje naknade umjesto plaće ženi-majci u radnom odnosu, za vrijeme dok odsustvuje s posla radi trudnoće, porođaja i njege djeteta.

Predložena izmjena zakona podrazumijeva da žena-majka u radnom odnosu za vrijeme dok odsustvuje s posla radi trudnoće, porođaja i njege djeteta naknadu plaće više ne ostvaruje po osnovu Zakona o osnovama socijalne zaštite, zaštite civilnih žrtava rata i zaštite porodice sa djecom, tj. kao jedno od prava socijalnih kategorija jer se zaposlena porodilja ne može smatrati socijalnom kategorijom. Naime radi se o pravu zasnovanom na radnom odnosu i obavezi poslodavca na redovnu uplatu svih doprinosa, pa i doprinosa za zdravstveno osiguranje, odnosno pravo je iz radnog odnosa utvrđeno članom 62. Zakona o radu („Službene novine FBiH“, broj: 26/16).

Predložena inicijativa da se drugačije zakonski reguliše pravo na naknadu plaće žena majki u radnom odnosu, a kako bi se bolje riješilo i pravo na pomoć za vrijeme trudnoće i porođaja ženama majkama koje nisu u radnom odnosu, ne sadrži jasno i primjenljivo zakonsko rješenje ovakve situacije u pogledu obezbjeđenja finansijskih sredstava.

Prema podacima ovog Ministarstva broj korisnika pravo na naknadu umjesto plaće ženi-majci u radnom odnosu mijenjao se svake godine, tako da je posljednjih pet godine, na godišnjem nivou, ovu vrstu naknada ostvarivalo od 907 do 1.038 žena-majki u radnom odnosu. U 2015. godine pravo na porodiljsko odsustvo ostvarilo je 973 žene-majke u radnom odnosu i za finansiranje naknada tokom godine utrošena su sredstva u iznosu od 7.994.306 KM. Prema evidencijama ovog Ministarstva, do kraja septembra 2016.godine ovo pravo je ostvarilo 1.047 žena-majki u radnom odnosu i za finansiranje naknada za ovaj period utrošena su sredstva u iznosu od 5.796.954,53 KM. Imajući u vidu navedene podatke i potrošnju sredstava za ovo pravo u predhodna tri kvartala ove godine, na godišnjem nivou potrebno je planirati oko 7.900.000 KM.

Naime, Ministarstvo za rad, socijalnu politiku i izbjeglice smatra predloženu inicijativu svrsishodnom i društveno opravdanom, ali da bi se ista mogla i realizirati potrebno je prevashodno uključiti i konsultirati nadležne institucije u oblasti zdravstvenog sektora, jer izmjena zakona u oblasti socijalne zaštite, kako se predlaže inicijativom, paralelno podrazumijeva i izmjene zakona iz oblasti zdravstvenog osiguranja.

S poštovanjem,

Dostavljeno:
2x Naslovu
1x a/a



MINISTAR

Nurdehan Šahinović
Nurdehan Šahinović